

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), u vezi sa članom 4. Uredbe o vršenju ovlaštenja organa Zeničko-dobojskog kantona u privrednim društvima sa učešćem državnog kapitala ("Službene novine Zeničko-dobojskog kantona", broj: 13/13), a na prijedlog Ministarstva za privredu, Vlada Zeničko-dobojskog kantona na 97. sjednici, održanoj 01.06.2017. godine, d o n o s i

ZAKLJUČAK

I.

Imenuje se Osman Buza, pomoćnik ministra u Ministarstvu za privredu Zeničko-dobojskog kantona, kao punomoćnik državnog kapitala za XXI redovnu Skupštinu privrednog društva „rmk promet“ d.d. Zenica, zakazanu za ponedjeljak 05.06.2017. godine u 12:00 sati, u Sali 512, V sprat, u sjedištu Društva.

II.

Ovlašćuje se punomoćnik da u ime državnog kapitala u Skupštini glasa po svakoj tački dnevnog reda na način:

- Izbor Predsjednika XXI Skupštine – glasati "ZA" prijedlog;
- Izbor ovjerivača Zapisnika XXI Skupštine – glasati "ZA" prijedlog;
- Usvajanju Izvještaja o poslovanju Društva za 2015. godinu, koji uključuje: Finansijski izvještaj Društva, Izvještaj ovlaštenog revizora, Izvještaj Nadzornog odbora i Odbora za reviziju – glasati "ZA";
- Donošenje Odluke o pokriću gubitka po Godišnjem obračunu za 2015. godinu – glasati "ZA";
- Usvajanju Izvještaja o poslovanju Društva za 2016. godinu, koji uključuje: Finansijski izvještaj Društva, Izvještaj ovlaštenog revizora, Izvještaj Nadzornog odbora i Odbora za reviziju – glasati "ZA";
- Donošenje Odluke o pokriću gubitka po Godišnjem obračunu za 2016. godinu – glasati "ZA";
- Donošenje Odluke o izmjenama Odluke o odobravanju elemenata za zaključivanje ugovora sa predsjednicima i članovima Nadzornog odbora i Odbora za reviziju "rmk promet" d.d. Zenica – glasati "PROTIV".

III.

Ovlašćuje se Ministar za privredu Zeničko-dobojskog kantona da na osnovu ovog zaključka sačini i potpiše punomoć za punomoćnika državnog kapitala.

IV.

Za realizaciju ovog zaključka zadužuje se Ministarstvo za privredu.

V.

Zaključak stupa na snagu danom donošenja.

Broj: 02-_____/17.

Datum, 01.06.2017. godine

Z e n i c a

PREMIJER

Miralem Galijašević

DOSTAVLJENO:

1x punomoćnik (Osman Buza),

1x Ministarstvo za privredu

1x a/a